

Wo litt usse Steele?

Tüschén Höntrop, Rellekusen,
tüschén Öberruhr un Kray,
tüschén Linden, Bergerhusen,
Watsche un ok Kopperdreih,
wo man eenst op Hännemänner
un op Heinsmann Kohlen fuhr,
do litt usse olle Steele
met de speigelblanke Ruhr!

Wo noch jedes Menschenhätte
för denn godden Nower schlött,
wo twee Blagen op de Stroote
noch van eenen Appel ett,
wo die ganze Stadt im Bille,
wenn een Börger kränkelt nur,
do litt usse olle Steele
met de speigelblanke Ruhr!

Wo mit trüem Ogenlüchten
Mann un Frau tesammenhängt —
un wo et tehuhse immer
wie 'ne Puppenstowe blenkt,
wo de Frau em löppt entgägen,
kömmt van Arbeet he retour,
do litt usse olle Steele
met de speigelblanke Ruhr!

Wo de Arm vam Fülerwerker
hoch denn Isenhammer schwenkt,
wo de „Hüttentüttenliedkes“
Wiet büs in dat Städtken drängt,
wo däm Wert all hunnert Johre
eemol nur dat Beer wett su'r,
do litt usse olle Steele
met de speigelblanke Ruhr!

Wo dat Rhienland mit Westfolen
wuchtig oppenanner stött,
wo dat Lüen van semm Kerken
usse Heematstadt verrött,
wo de Fremden alltegerne
maket 'ne Erholungskur,
do litt usse olle Steele
met de speigelblanke Ruhr!

Matthias Reifenscheidt.